




ეკონომიკური ზრდის ტემპი

IV კვარტალი, 2021 წელი

პარლამენტის საბიუჯეტო ოფისის შეფასებით, 2021 წლის IV კვარტალში რეალური მშპ-ის ზრდის ტემპი დადებითი იქნება და 7.4% დაფიქსირდება. მშპ-ის მოსალოდნელი ზრდა განპირობებულია 2021 წლის განმავლობაში გაუმჯობესებული ეკონომიკური მდგომარეობით და ე.წ. 2020 წლის მეოთხე კვარტალში ეკონომიკის შემცირების საბაზისო ეფექტით (2020 წლის მეოთხე კვარტალში ეკონომიკა შემცირდა 7.4%-ით), რომელიც COVID-19 პანდემიით იქნა გამოწვეული, თუმცა 2021 წლის მესამე კვარტალთან შედარებით დაბალი ზრდის ტემპი განპირობებულია IV კვარტალში COVID-19 პანდემიის გაუარესებული მდგომარეობით. ვაქცინაციის პროცესის მიმდინარეობის და სხვადასხვა ტიპის შეზღუდვების არსებობის პარალელურად, ასევე მნიშვნელოვანია საგარეო ვაჭრობის ტემპის გამოცოცხლება.

აღნიშნული პროგნოზი ემყარება დაშვებებს, რომ 2020 წლის მეოთხე კვარტალთან შედარებით:


- ⇒ ტურიზმის მოცულობა დაახლოებით 3.8-ჯერ გაიზრდება, (2019 წლის მაჩვენებელთან შედარებით დაახლოებით 3.2-ჯერ ნაკლები). ამავ დროს უმნიშვნელოდ გაიზრდება ქვეყნიდან გასული ტურისტების რიცხოვნობაც.
- ⇒ ტურიზმის ექსპორტის მნიშვნელოვან ზრდასთან ერთად კვლავ შენარჩუნდება შიდა ტურიზმის აქტივობა.
- ⇒ გაიზრდება როგორც კერძო, ისე მთავრობის მოხმარების მოცულობა, რაც განაპირობებს ეკონომიკური აქტივობის აღნიშნულ დადებით ტემპს.



*პროგნოზის ინტერვალი აღნიშნავს 50%-იან ალბათობას, რომ მშპ-ის ზრდის ტემპი მოცემულ ზღვრებს შორის იქნება.

- ⇒ მომსახურებით ვაჭრობის მკვეთრი ზრდის პარალელურად, მოსალოდნელია საქონლით ვაჭრობის მნიშვნელოვანი ზრდაც.
- ⇒ გაზრდილი მოხმარების პარალელურად მოსალოდნელია, რომ მნიშვნელოვნად გაიზრდება საქონლის იმპორტის რაოდენობაც.
- ⇒ გლობალური ეკონომიკის გაჯანსაღების ფონზე მოსალოდნელია, რომ გაიზრდება ექსპორტზე მოთხოვნა და შესაბამისად, გაიზრდება საქონლის ექსპორტის მოცულობაც.

აღნიშნული დაშვებების რაოდენობრივი შეფასების შედეგად მოსალოდნელია, რომ ექსპორტის მოცულობა უფრო მეტად გაიზრდება, ვიდრე იმპორტი და წმინდა ექსპორტის კომპონენტი 1.3%-ული პუნქტით განსაზღვრავს ეკონომიკური აქტივობის ცვლილებას, ხოლო აბსორბციის (მოხმარების და ინვესტიციების ჯამი) კომპონენტი მნიშვნელოვნად გაიზრდება და მშპ-ის ცვლილებას 6.1%-ული პუნქტით განაპირობებს*.



*2021 წლის IV კვარტლის მშპ-ის ზრდის დეკომპოზიციის საბიუჯეტო ოფისის შეფასება.

დამატებითი ინფორმაცია:

- [წლიური მაკროეკონომიკური პროგნოზები](#)
- [განმარტება მაკროეკონომიკური პროგნოზების მოდელის შესახებ](#)



საპარტყველოს პარლამენტის საბიუჯეტო ოფისი

WWW.PBO.PARLIAMENT.GE